

ონის მუნიციპალიტეტის საკრებულოს ბიუროს

სხდომის

ოქმი # 8

ქ. ონი

27. 08. 2019 წ.

ონის მუნიციპალიტეტის საკრებულოს ბიუროს სხდომას თავმჯდომარეობდა საკრებულოს თავმჯდომარე შუქურა ჯაფარიძე.

ბიუროს 12 წევრიდან სხდომას ესწრებოდა 11 წევრი: შუქურა ჯაფარიძე, ბაჩანა მარკოიშვილი, გიორგი მარკოიშვილი, სერგო ლობჯანიძე, გოჩა მეტრეველი, ვანო ბაღაშვილი, ვლადიმერ ჩლაიძე, გივი მეტრეველი, გელა მეტრეველი, სონია გუგეშაშვილი, ვასილ მეტრეველი.

არ ესწრებოდა: ნოდარ ბურდილაძე.

ბიუროს სხდომას ესწრებოდნენ: მუნიციპალიტეტის მერიის საფინანსო სამსახურის ბიუჯეტის დაგეგმარების განყოფილების უფროსი თინათინ ბროლაშვილი, ეკონომიკის სამსახურის უფროსის მოვალეობის შემსრულებელი ირინა გობეჯიშვილი, იურიდიული განყოფილების უფროსი მარიამ გობეჯიშვილი.

ბიუროს სხდომის თავმჯდომარემ ბიუროს წევრებს გააცნო დღის წესრიგი:

1. „ონის მუნიციპალიტეტის მერიის პირველადი სტრუქტურული ერთეულის - ადმინისტრაციული სამსახურის დებულების დამტკიცების შესახებ“ ონის მუნიციპალიტეტის საკრებულოს 2018 წლის 29 მარტის N16 დადგენილებაში ცვლილების შეტანის თაობაზე.

/მომხს. მარიამ გობეჯიშვილი - მერიის ადმინისტრაციული სამსახურის იურიდიული განყოფილების უფროსი/

2. „ონის მუნიციპალიტეტის მერიის პირველადი სტრუქტურული ერთეულის - შიდა აუდიტის სამსახურის დებულების დამტკიცების შესახებ“ ონის მუნიციპალიტეტის საკრებულოს 2018 წლის 29 მარტის N18 დადგენილებაში ცვლილების შეტანის შესახებ.

/მომხს. მარიამ გობეჯიშვილი - მერიის ადმინისტრაციული სამსახურის იურიდიული განყოფილების უფროსი/

3. ონის მუნიციპალიტეტის საკუთრებაში არსებული ქონების საპრივატიზებო ობიექტების ნუსხის დამტკიცების შესახებ.

/მომხს. ირინა გობეჯიშვილი - მერიის ეკონომიკის სამსახურის უფროსის მ.შ./

4. „ქ.ონში აღმაშენებლის მოედანი N1-ში მდებარე შენობის მეორე სართულზე მარჯვენა ფლიგელში 2 ოთახის, საერთო ფართობით -36.00 კვ.მ (ს/კ 88.18.25.006), ა(ა)იპ „სოფლის მეურნეობის პროექტების მართვის სააგენტოსათვის“ პირდაპირი განკარგვის წესით სარგებლობის უფლებით, უსასყიდლო უზურფრუქტის ფორმით გადაცემის საკითხის შეთანხმების შესახებ“ ონის მუნიციპალიტეტის საკრებულოს 2019 წლის 27 ივნისის N16 განკარგულებაში ცვლილების შეტანის თაობაზე.

/მომხს. ირინა გობეჯიშვილი - მერიის ეკონომიკის სამსახურის უფროსის მ.შ./

5. „ონის მუნიციპალიტეტის ტერიტორიაზე წარმოქმნილი მუნიციპალური ნარჩენების მართვის 2018-2022 წლების გეგმის დამტკიცების შესახებ“ ონის მუნიციპალიტეტის საკრებულოს 2017 წლის 21 დეკემბრის N44 განკარგულებაში ცვლილების შეტანის შესახებ..

/მომხს.მარიამ გობეჯიშვილი-იურიდიული განყოფილების უფროსი /

6. ონის მუნიციპალიტეტის 2019 წლის ექვსი თვის დაზუსტებული ბიუჯეტის შესრულების შესახებ.

/მომხს. თინათინ ბროლაშვილი - მერიის საფინანსო-საბიუჯეტო სამსახურის ბიუჯეტის დაგეგმარების განყოფილების უფროსი/

7.სივრცით-ტერიტორიული დაგეგმარებისა და ინფრასტრუქტურის კომისიის თავმჯდომარის ინფორმაცია ონის მუნიციპალიტეტის ტერიტორიაზე წყალმომარაგების მდგომარეობისა და პრობლემების შესახებ.

მომხს. გივი მეტრეველი-კომისიის თავმჯდომარე

8.გარემოს დაბინძურების შემცირების მიზნით შ.პ.ს კომუნალური სამსახურის გაწეული სამსახურის შესახებ ინფორმაციის მოსმენა.

მომხს. ვანო ბაღაშვილი-კომისიის თავმჯდომარე.

დღის წესრიგი დადგა კენჭისყრაზე
მომხრე-ყველა, წინააღმდეგი-არცერთი
დამტკიცდა დღის წესრიგი

მოისმინეს: 1. „ონის მუნიციპალიტეტის მერიის პირველადი სტრუქტურული ერთეულის -

ადმინისტრაციული სამსახურის დებულების დამტკიცების შესახებ“ ონის მუნიციპალიტეტის საკრებულოს 2018 წლის 29 მარტის N16 დადგენილებაში ცვლილების შეტანის თაობაზე.

/მომხს. მარიამ გობეჯიშვილი - მერიის ადმინისტრაციული სამსახურის იურიდიული განყოფილების უფროსი/

მომხსენებელმა სხდომას წარუდგინა დადგენილების პროექტი „ონის მუნიციპალიტეტის მერიის პირველადი სტრუქტურული ერთეულის -ადმინისტრაციული სამსახურის დებულების დამტკიცების შესახებ“ და აღნიშნა, რომ საჭიროა შევიდეს ცვლილება მე-10 მუხლის სათაურსა და „ი“ ქვეპუნქტში. სათაური ჩამოყალიბდეს შემდეგი სახით-„მერის წარმომადგენლებთან კოორდინაციის განყოფილება“ , ხოლო ..ი“ ქვეპუნქტი შემდეგნაირად- „სახელმწიფო პროექტების ფარგლებში მიწის ნაკვეთებზე უფლებათა სისტემური და სპორადული რედისტრაციის სპეციალური წესისა და საკადასტრო მონაცემების სრულყოფის შესახებ.“

საკითხი დადგა კენჭისყრაზე

მომხრე ყველა, წინააღმდეგი არცერთი

გადაწყდა: წარმოდგენილი დადგენილების პროექტი შეტანილი იქნას საკრებულოს სხდომის დღის წესრიგში განსახილველად.

მოისმინეს: 2. „ონის მუნიციპალიტეტის მერიის პირველადი სტრუქტურული ერთეულის - შიდა აუდიტის სამსახურის დებულების დამტკიცების შესახებ“ ონის მუნიციპალიტეტის საკრებულოს 2018 წლის 29 მარტის N18 დადგენილებაში ცვლილების შეტანის შესახებ.

/მომხს. მარიამ გობეჯიშვილი - მერიის ადმინისტრაციული სამსახურის იურიდიული განყოფილების უფროსი/

მომხსენებელმა სხდომას გააცნო დადგენილების პროექტი ონის მუნიციპალიტეტის საკრებულოს 2018 წლის 29 მარტის # 18 დადგენილებაში ცვლილების შეტანის თაობაზე და განმარტა, რომ საჭიროა ცვლილება შევიდეს პირველი მუხლის მე-2 პუნქტში და ჩამოყალიბდეს შემდეგი სახით: „სამსახური ფუნქციურად დამოუკიდებელიათავის საქმიანობაში, ანგარიშვალდებულია ონის მერის წინაშე და „სახელმწიფო შიდა კონტროლის შესახებ“ საქართველოს კანონით განსაზღვრულ შემთხვევაში მოქმედებს საქართველოს კანონით განსაზღვრულ შემთხვევაში მოქმედებს საქართველოს ფინანსთა სამინისტროს სახელმწიფო შიდა კონტროლის დეპარტამენტის (ჰარმონიზაციის ცენტრი) კოორდინირებულად.

საკითხი დადგა კენჭისყრაზე

მომხრე ყველა, წინააღმდეგი არცერთი

გადაწყდა: წარმოდგენილი დადგენილების პროექტი შეტანილი იქნას საკრებულოს სხდომის დღის წესრიგში განსახილველად.

მოისმინეს: 3. ონის მუნიციპალიტეტის საკუთრებაში არსებული ქონების საპრივატიზებო ობიექტების ნუსხის დამტკიცების შესახებ.

/მომსხ. ირინა გობეჯიშვილი - მერიის ეკონომიკის სამსახურის უფროსის მ.შ./

ი. გობეჯიშვილმა სხდომას გააცნო მუნიციპალიტეტის საკუთრებაში არსებული ქონების საპრივატიზებო ობიექტების ნუსხა და განმარტა, რომ აღნიშნულ ნუსხაში შეტანილია ავტობუსები, რომელთა ექსპლუატაციის ვადა გასულია. მოსახლეობის ტრანსპორტით მომსახურების შესყიდვა მოხდება ტენდერის გზით და მუნიციპალიტეტის მოსახლეობას ტექნიკურად გამართული ტრანსპორტი მოემსახურება, რაც საუკეთესო გამოსავალია შექმნილ სიტუაციაში.

აზრი გამოთქვეს: ბ. მარკოიშვილმა აღნიშნა, რომ ამ ეტაპზე, ამ ფორმით იგი წარმოდგენილი საკითხის განხილვის წინააღმდეგია, რადგან ავტობუსების გაყიდვით შეიქმნება ვაკუუმი, ალტერნატიული ფორმა მოსახლეობის მომსახურების კი მოძებნილი არაა, რაც დიდ უკმაყოფილებას გამოიწვევს.

ვ. მეტრეველმა განაცხადა, რომ საჭიროა კარგად გათვლილი, ფინანსურად გამართული, მოსახლეობის ინტერესების გათვალისწინებით შემუშავებული პროექტი, რომ მუნიციპალიტეტი სამართლებრივად იყოს დაცული და ტრანსპორტით მოსარგებლე მოსახლეობა კმაყოფილი, ამისთვის კი საჭიროა საკითხის საფუძვლიანად შესწავლა და ლოგიკური დასკვნის გამოტანა.

ს. ლობჯანიძის თქმით, კარგი იქნებოდა, ჯერ შეგვესწავლა და მოგვეძებნა ალტერნატიული გზა მოსახლეობის ტრანსპორტით მომსახურების და შემდეგ დაგვემტკიცებინა წარმოდგენილი პროექტი.

ვ. ბაღაშვილმა აღნიშნა, რომ ამ ეტაპზე წარმოდგენილი პროექტის განხილვის გადადების შემთხვევაში, გაუმართავი ტრანსპორტით რაიმე გაუთვალისწინებელი შემთხვევისას პასუხისმგებლობა მუნიციპალიტეტს დაეკისრება, ამიტომ უმჯობესია, პროექტი დამტკიცდეს საკრებულოს სხდომაზე.

გ. მეტრეველმა განაცხადა, რომ მერიამ საკრებულოს წერილის პასუხად შემოიტანა განსახილველად აღნიშნული საკითხი და მერიის მიერ წარმოდგენილი პროექტით მოძებნილია საუკეთესო გამოსავალი შექმნილი მდგომარეობიდან.

შ. ჯაფარიძემ აღნიშნა, რომ მთავარი მოსახლეობის შეუფერხებელი და უსაფრთხო მომსახურებაა. საჭიროა სხდომაზე მოვისმინოთ აუდიტის დასკვნა აღნიშნულ ავტობუსებთან დაკავშირებით, მოვისმინოთ მერის პირვ. მოადგილისა და შ.პ.ს „მოედანი 2009“-ს დირექტორის ინფორმაციები წარმოდგენილ საკითხზე და შემდეგ მივიღოთ შესაბამისი გადაწყვეტილება.

საკითხი დადგა კენჭისყრაზე

მომხრე ყველა, წინააღმდეგი არცერთი

გადაწყდა: წარმოდგენილი განკარგულების პროექტი შეტანილი იქნას საკრებულოს სხდომის დღის წესრიგში განსახილველად.

მოისმინეს: 4. „ქ.ონში აღმაშენებლის მოედანი N1-ში მდებარე შენობის მეორე სართულზე მარჯვენა ფლიგელში 2 ოთახის, საერთო ფართობით -36.00 კვ.მ (ს/კ 88.18.25.006), ა(ა)იპ „სოფლის მეურნეობის პროექტების მართვის სააგენტოსათვის“ პირდაპირი განკარგვის წესით სარგებლობის უფლებით, უსასყიდლო უზურფრუქტის ფორმით გადაცემის საკითხის შეთანხმების შესახებ“ ონის მუნიციპალიტეტის საკრებულოს 2019 წლის 27 ივნისის N16 განკარგულებაში ცვლილების შეტანის თაობაზე.

/მომხს. ირინა გობეჯიშვილი - მერიის ეკონომიკის სამსახურის უფროსის მ.შ./

მომხსენებელმა ბიუროს წევრებს გააცნო განკარგულების პროექტი „ქ.ონში აღმაშენებლის მოედანი N1-ში მდებარე შენობის მეორე სართულზე მარჯვენა ფლიგელში 2 ოთახის, საერთო ფართობით -36.00 კვ.მ (ს/კ 88.18.25.006), ა(ა)იპ „სოფლის მეურნეობის პროექტების მართვის სააგენტოსათვის“ პირდაპირი განკარგვის წესით სარგებლობის უფლებით, უსასყიდლო უზურფრუქტის ფორმით გადაცემის საკითხის შეთანხმების შესახებ“.

საკითხი დადგა კენჭისყრაზე

მომხრე ყველა, წინააღმდეგი არცერთი

გადაწყდა: წარმოდგენილი განკარგულების პროექტი შეტანილი იქნას საკრებულოს სხდომის დღის წესრიგში.

მოისმინეს: 5. „ონის მუნიციპალიტეტის ტერიტორიაზე წარმოქმნილი მუნიციპალური ნარჩენების მართვის 2018-2022 წლების გეგმის დამტკიცების შესახებ“ ონის მუნიციპალიტეტის საკრებულოს 2017 წლის 21 დეკემბრის N44 განკარგულებაში ცვლილების შეტანის შესახებ.

/მომხს. მარიამ გობეჯიშვილი-იურიდიული განყოფილების უფროსი /

მ. გობეჯიშვილმა სხდომას წარუდგინა განკარგულების პროექტი „ონის მუნიციპალიტეტის ტერიტორიაზე წარმოქმნილი მუნიციპალური ნარჩენების მართვის 2018-2022 წლების გეგმის დამტკიცების შესახებ“ ონის მუნიციპალიტეტის საკრებულოს 2017 წლის 21 დეკემბრის N44 განკარგულებაში ცვლილების შეტანის შესახებ.

საკითხი დადგა კენჭისყრაზე

მომხრე ყველა, წინააღმდეგი არცერთი

გადაწყდა: წარმოდგენილი განკარგულების პროექტი შეტანილი იქნას საკრებულოს სხდომის დღის წესრიგში.

მოისმინეს: 6. ონის მუნიციპალიტეტის 2019 წლის ექვსი თვის დაზუსტებული ბიუჯეტის შესრულების შესახებ.

/მომხს. თინათინ ბროლაშვილი - მერიის საფინანსო-საბიუჯეტო სამსახურის ბიუჯეტის დაგეგმარების განყოფილების უფროსი/

მომხსენებელმა ბიუროს წევრებს წარუდგინა საკითხი ონის მუნიციპალიტეტის 2019 წლის ექვსი თვის დაზუსტებული ბიუჯეტის შესრულების შესახებ.

ბიუროს წევრებმა გადაწყვიტეს აღნიშნული საკითხი შეტანილი იქნას საკრებულოს დღის წესრიგში.

მოისმინეს: 7. სივრცით-ტერიტორიული დაგეგმარებისა და ინფრასტრუქტურის კომისიის თავმჯდომარის ინფორმაცია ონის მუნიციპალიტეტის ტერიტორიაზე წყალმომარაგების მდგომარეობისა და პრობლემების შესახებ.

მომხს. გივი მეტრეველი-კომისიის თავმჯდომარე

გ. მეტრეველმა სხდომას გააცნო ინფორმაცია მუნიციპალიტეტის ტერიტორიაზე წყალმომარაგების მდგომარეობისა და პრობლემების შესახებ.

ბიუროს წევრებმა გადაწყვიტეს ინფორმაცია მოსმენილი იქნას საკრებულოს სხდომაზე.

მოისმინეს: 8. გარემოს დაბინძურების შემცირების მიზნით, შ.პ.ს კომუნალური სამსახურის გაწეული მუშაობის შესახებ. ინფორმაციის მოსმენა.

მომხს. ვანო ბაღაშვილი-კომისიის თავმჯდომარე.

ვ. ბაღაშვილმა სხდომას წარუდგინა ინფორმაცია შ.პ.ს კომუნალური სამსახურის მიერ გაწეული მუშაობის შესახებ

ბიუროს წევრებმა გადაწყვიტეს ინფორმაცია მოსმენილი იქნას საკრებულოს სხდომაზე.

შემდეგ სხდომის თავმჯდომარემ სხდომა დახურულად გამოაცხადა.

შუქურა ჯაფარიძე

საკრებულოს თავმჯდომარე